

rum, dum viverent, familiam ducebant *Christophorus Valerius*, & *Joannes Franciscus Mussatus*, alter florentis facundiae Senator, alter literariae dignitatis columen apud Patavinos.

(a) pag.
xxxvi.lin.1.

(a) Postremo cum aeger curis in Senatum praeses publici consilii venisset, ibique suborta, ut fit, in Curia acriori altercatione, semel atque iterum solito vehementius dixisset e suggestu, excandefacto per vocis, laterumque contentionem corpore, in ictum primum incidit, morbum candori pe-
storis ejus parum consentaneum: deinde intra paucos dies, succedente vi-
rium defectu, sancte, & qua eum pietate in Deum decuit, vitae diem extre-
mum clausit XIII. kalen. julii, anno M. DC. XVIII. deversa sane aetate,
non negamus, neque ideo tamen tam praecipiti, ut in extrema, quod
ajunt, tegula illi standum foret; vixdum enim annum LX. expleverat, im-
mortali senio, vel juventute potius dignissimus. (b) Corpore crasso magis,
quam procero fuit, cervice leviter erecta, facie bene lata, dignitatis plena,
oculis micantibus, laetisque, & qui animi mores praeseferebant; barba, ac ca-
pillo, dum eis, per canitiem, sui coloris esse licuit, subrufo; voce qualem
futuro oratori rhetores praescribunt, clara, concioni pergrata, & phonasci
opera minus indigente; aspectu denique ita liberali, ut in eo morum probi-
tatem facile agnosceres, ingenii vim non invitus crederes. Somnus ei fuit
brevis, & vigiliis saepe intercisus: cibus paratu, concoctuque facilis: potus
in dies multo intra heminam. Cultus, supellectilis, pecuniae contemptor
extitit mirus; & si bibliothecae instruendae studium excipitur, nullius ea-
rum ferme rerum appetens, quibus mortalium mentes ad insaniam usque ca-
piuntur. Inambulationibus, quoties a *sedentario opere* (sic munus senatorium
vocabat) otium dabatur, ita oblectare animum solebat, ut Peripateticum
germanum facile agnosceres. Harum socios habebat amicorum obvios, vir
appime comis, & cujus familiares virtutes, atque penetrales forensibus, ac
senatoriis non impares humanitas infucata ita condiebat, ut philtri esset lo-
co ad omnium sibi studia concilianda. Sermones erant tempestivi ex eorum
genere, qui vel rimosis auribus tuto committuntur; nam arcana rerum, qui-
bus stat publica securitas, non ille sane aliter tegebat, quam olim sacra o-
pertanea solebant, qui Eleusiniis mysteriis initiabantur. Theatralibus ludis,
omnique spectaculorum genere, etiam cum per aetatem licebat, obfirmato
animo abstinuit non minus, quam Herculo sacrificio mulieres; illud sub-
inde repetens, sibi minime verendum esse, ne oblectamentum otio suo deforet,
donec typographorum operae praela contorquerent; aut amanuensis calamo, ana-
gnostes lingua uti posset: ii enim, si quis feriatus inciderat dies, aut ab inter-
ventoribus omnino vacuus illi, scenici, ii circenses erant, nihil minus ti-
menti, quam se sibi remotis arbitris relinquere.

(b) pag.
xxvii.lin.
23-

(5) Elatus fuit funere privato, luctu publico; (6) virginali ferto caput
redi-

(5) Elatus fuit funere privato, luctu publico, &c.) Eadem legito apud *Jacobum Gaddium* in *Elogiographo*, pag. 117. Fu pubblicamente pianto, benché sepolto con essequie private, coronato il capo di laurea virginali, &c. Fu onorato di nobili elegj dalli amici, infra i quali Monsignore Luigi Lollino, Vescovo di FELTRE, sodisfeco all' obbligo dell' amicizia con diverse Poesie, e col descrivere la Vita del rapito amico, con esemplare carità, e con eloquenza mirabile. Fallitur tamen hic *Gaddius* dum *Lollinum FELTRENSEM* episcopum pro *Bellunensi* vocat, fortasse deceptus, vel quia *Feltria* est *Belluno* contermina; vel quia *Feltrensis* & *Bellunensis* ecclesia aliquando ab uno regebantur Antistite.

(6) virginali ferto redimitus) Mos est Venetiis, ut puellis puerisque, qui illibato aetatis flore decesserint, ferto, dum esserunt, tempora praecingantur, quod scilicet *aureolam*, qua
in